

19 APRILIE
RUGACIUNEA
SF. IERARH-MARTURISITOR
VICTOR OSTROVIDOV
AL GLAZOVULUI

Молитва

О, священная главо, святителю Божий отче наш Викторе! К тебе, предстателю святой, прибегаем, яко не имамы дерзновения ко Господу за премногия грехи наша. Ты же, отче святой, в земном житии твоём столп веры православныя быв и исповедник доблий, укрепи нашу веру, да возможем противустати всем кознем лукаваго, испроси нам у Всемилоствиваго Бога вся благопотребная душам и телесем нашим. Церковь Русскую от ересей и расколов сохрани, да пребудет до скончания века чистая и непорочная Невеста Христова, заблуждающих обрати, недугующих исцели, юныя просвети, да уведят благочестия доброту и греха безобразие, даждь нам утешение в печалех, пробуди в сердцах наших покаяние, возжги в сердцах

наших пламень Божественная любви и всем вся даруй, яже ко спасению, и подаждь нам твое святительское благословение, да тем осеняеми избавимся от всякия беды и напасти, и да будем благоуспешны в трудах наших. Услыши моления наша, всеблаженне отче наш Викторе, к раце мощей твоих с верою и любовью припадающих, яви нам многомогущее твое заступление, соблюди град твой Вятку, его же возлюбил еси, и вся грады и веси русския от напастей ненаветны, да славим дивнаго во святых Своих Бога, Отца и Сына и Святаго Духа, ныне и присно и во веки веков. **А**минь.